

# INUIT ATAQATIGIIT

## INATSISARTUNI



Nuuk 14. september 2016

Matumuuna Inatsisartut suleriaasianni §37 naapertorlugu Naalakkersuisunut apeqqutit imaattut ingerlatippakka:

### Apeqqutit:

- 1. Naalakkersuisut Siulittaasuat suli aalisarnermut akuersissummik peqarpa?**
- 2. Aalisarnermut akuersissut tunngavigalugu Naalakkersuisut Siulittaasuat aalisarnermiit aningaasanik isertitaqartarpa?**
- 3. Naalakkersuisut Siulittaasuat Naalakkersuisutut sulinermi saniatigut aalisarnermiit aningaasarsiaqarnerseq paasissallugu tunngavissaqarpugut, Naalakkersuisut Siulittaasuat saniatigooralugu Naalakkersuisunut Siulittaasuunersoq apeqqummi pineqarmat. Taamaattoqarpa?**
- 4. Naalakkersuisut Siulittaasuat saniatigooralugu isertitaqartarsimappat piffissaq qanoq annertutigisoq Naalakkersuisutut sulinnginnerminut atortarsimassavaa?**
- 5. Naalakkersuisut Siulittaasuattut sulineq qaqugukkut sulinngiffeqarnertut taaneqarsinnaasumik Naalakkersuisumut pisinnaatitaaffeqarsimappat tunngavigineqartut maleruagassat saqqummiunneqarsinnaappat?**
- 6. Naalakkersuisunut ilaasortat allat aalisarnermut akuersissutaateqarpat?**
- 7. Naalakkersuisunut ilaasortat aalisariutinik allanilluunniit pigisanik nalilinnik piginneqataallutillu ingerlatseqataappat?**
- 8. Naalakkersuisut Siulittaasuata Naalakkersuisut Siulittaasuattut pisussaaffik qanoq atuuffiusussaanersoq naatsumik erseqqissumillu nassuiarsinnaavaa?**  
(Inatsisartuni ilaasortaq Aqqaluaq B. Egede, Inuit Ataqatigiit)

### Tunngavilersuut:

Naalakkersuisut Siulittaasuat Naalakkersuisunullu ilaasortat namminneq aalajangiusimanikuuaat aalisarnermut akuersissut tigummiinnarniarlunikku. Taamatut aalajangerneq tunngavigalugu massakut Naalakkersuisut qanoq sulinerat pillugu paasisaqarnissara pisariaqartilerpara. Naalakkersuisut Siulittaasuat Naalakkersuisunullu ilaasortat saniatigut isertitaqartarsimanagerat ilumut pisarnerseq paaserusunnarpoq. Taamaassimappat Naalakkersuisunut ilaasortat Siulittaasualluunniit saniatigut inuussutissarsiummik ingerlatsisimanagerat qulakkeerneqartariaqarmat.

Apeqqutigisakka ullut qulit qaangiutsinnagit akineqarnissaat kissaatigaara.